



Dalapósturinn

2. tölublað, 6. árgangur

11. febrúar 2013

Hundahald

Af gefnu tilefni er minnt á að hundahald í Búðardal sætir nokkrum takmörkunum samanber Samþykkt um hundahald í Dalabyggð sem sjá má á vef Dalabyggðar. Takmarkanirnar eru m.a. eftirfarandi:

- Eiganda er skylt að skrá hund sinn á hreppsskrifstofu.
- Eiganda er skylt að kaupa ábyrgðartryggingu hjá viðurkenndu tryggingarfélagi.
- Óheimilt er með öllu að láta hunda ganga lausa, en heimilt er að hafa þá í taumi úti við, í fylgd með manni, sem hefur fullt vald yfir þeim.
- Hundaeigendum er skylt að sjá svo um, að hundar raski ekki ró manna eða verði mönnum til óþæginda. Skylt er leyfishafa að fjarlægja saur eftir hundinn.
- Hundaeigendum er skylt að láta hreinsa hunda sína einu sinni á ári.

Styrkir til greiðslu fasteignaskatts

Sveitarstjórn Dalabyggðar er heimilt að veita styrki til greiðslu fasteignaskatts af fasteignum þar sem fram fer starfsemi sem ekki er rekin í ágóðaskyni sbr. reglur sem finna má á vef Dalabyggðar.

Sækja skal um styrk til greiðslu fasteignaskatts á eyðublöðum sem liggja frammi á skrifstofu Dalabyggðar og á vef.

Ábyrgðarmaður: Sveinn Pálsson, sveitarstjóri.
Dalabyggð, Miðbraut 11, 370 Búðardalur

Öskudagsskemmtun

Foreldra- og nemendafélög Auðarskóla verða með öskudagsskemmtun í Dalabúð á öskudag 13. febrúar kl. 17. Verðlaun verða veitt fyrir frumlegustu búningana. Kaffi- og vöfflusala verður á vegum nemendafélags Auðarskóla þegar búíð er að slá köttinn úr tunnunni.

Aðgangseyrir er 500 kr. fyrir börn á grunnskólaaldri og 300 kr. fyrir leikskólabörn. Enginn posi er á staðnum og því nauðsynlegt að mæta með reiðufé.

Þorablót eldri borgara

Þorablót eldri borgara verður haldið á Silfurtúni fimmtudaginn 21. febrúar kl. 18. Allir 60 ára og eldri eru velkomnir í mat, skemmtun og dans.

Aðgangur er 2.000 kr. Miðapantanir eru í síma 434 1218 fyrir 17. febrúar.

Garðyrkja

Kristinn H. Þorsteinsson garðyrkjufræðingur flytur fyrirlestur í Leifsbúð fimmtudaginn 28. febrúar kl. 19:30.

Fyrirlesturinn nefnir hann "Nýir tímar - nýjar áherslur í vali á gróðri". Þar verður fjallað um gróður í görðum og á opnum svæðum í sveitarfélaginu og hvaða tegundir er áhugavert að rækta í Dalabyggð.

Kristinn H. Þorsteinsson er fræðslu- og verkefnastjóri Garðyrkjufélags Íslands. Fyrirlesturinn er í boði félagsins og Dalabyggðar. Nánari upplýsingar er að finna á heimasíðu Garðyrkjufélagsins www.gardurinn.is og á www.dalir.is Allir velkomnir og boðið verður upp á kaffiveitingar í hléi.